



Bosnia and Herzegovina
Federation of Bosnia and Herzegovina
CANTON SARAJEVO
**Ministry of Physical Planning Construction and
Environmental Protection**

Broj: 05-05-27142/19/19 RA
Sarajevo, 27.08.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničko pitanje – zastupnica Vildana Bešlija

Zastupnica u Skupštini Kantona Sarajevo, Vildana Bešlija, na Desetoj Radnoj sjednici Skupštine Kantona Sarajevo, održanoj dana 24.06.2019. godine, u okviru tačke Dnevnog reda "poslanička/zastupnička pitanja, inicijative i odgovori", postavila je zastupnička pitanja, kako slijedi:

"Ko je nadležan za upravljanje i održavanje izletišta Stojčevac?

Ko ima pravo da naplaćuje parking i boravak na pomenutom izletištu?

Da li nadležne Kantonalne inspekcije obilaze preko vikenda izletišta?

Kako je moguće da neka grupa građana naplaćuje parking, a da ne postoji cjenovnik na ulazu na izletišta i uz to da se tjeraju posjetioci zbog dolaska sa kućnim ljubimcima (psima)?"

ODGOVOR:

Po zaprimanju akta Skupštine Kantona Sarajevo, a u funkciji pripreme odgovora na postavljena zastupnička pitanja, ovo Ministarstvo se dana 05.07.2019. godine obratilo Kantonalnoj ustanovi za zaštićena prirodna područja zahtjevom za izjašnjenje sa aspekta zaštite i upravljanja Spomenikom prirode "Vrelo Bosne", shodno Zakonu o proglašenju Spomenika prirode "Vrelo Bosne" ("Službene novine Kantona Sarajevo", broj 6/10 - Prečišćeni tekst). Izjašnjenje Kantonalne javne ustanove za zaštićena prirodna područja broj:07-3-638-1/19 od 25.07.2019. godine dostavljamo u prilogu.

Napominjemo, da smo zastupnička pitanja prosljedili i Kantonalnoj upravi za inspeksijske poslove sa zahtjevom za dostavljanje odgovora, kao i izvršenje konkretnog inspeksijskog nadzora na terenu u funkciji pripreme istog.

S poštovanjem,

Prilog:

- kao u tekstu

Dostaviti:

- ☉ Naslov
- Stručna služba Vlade (na znanje)
- Evidencija
- a/a



MINISTAR

Damiir Filipović, MA prava



06

29-07-2019

5493
Analo

Bosna i Hercegovina
Federacija Bosne i Hercegovine



Bosnia and Herzegovina
Federation of Bosnia and Herzegovina

KANTON SARAJEVO
Kantonalna javna ustanova
za zaštićena prirodna područja
Broj: 07-3-638-1/19
Sarajevo, 25.07.2019. godine

KANTON SARAJEVO
Cantonal Public Institution
for Protected Natural Areas
Bosna i Hercegovina
Federacija Bosne i Hercegovine
KANTON SARAJEVO

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 26-07-2019			
Klasifikaciona oznaka	Klasifikaciona oznaka	Redni broj	Broj priloga
05	05	27142	1

Ministarstvo prostornog uređenja, građenja i zaštite okoliša
Ul. Reisa Džemaludina Čauševića 1, 71 000 Sarajevo

19RA

PREDMET: Izjašnjenje na zastupnička pitanja – dostavlja se
Veza Vaš broj: 05-05-27142/19 RA od 05.07.2019. godine

Dana 08.07.2019. godine, broj: 07-3-638/19 Kantonalna javna ustanova za zaštićena prirodna područja je putem Ministarstva prostornog uređenja, građenja i zaštite okoliša Kantona Sarajevo, zaprimila zahtjev koji se odnosi na izjašnjenje na zastupnička pitanja - veza broj i datum gornji. Zahtjevom se traži da se ova javna ustanova izjasni na zastupnička pitanja upućena od skupštinske zastupnice Vildane Bešlije, a koja se odnose na aspekt zaštite i upravljanja Spomenikom prirode "Vrelo Bosne".

U kontekstu gore navedenog dostavljamo slijedeći:

ODGOVOR

Shodno članu 15. stav (1) Zakona o proglašenju Spomenika prirode "Vrelo Bosne" ("Sl.novine Kantona Sarajevo", broj 6/10 – Prečišćeni tekst) i članu 3. stav (1) Odluke o osnivanju Kantonalne javne ustanove za zaštićena prirodna područja ("Sl.novine Kantona Sarajevo", broj: 31/17), Javna ustanova upravlja Spomenikom prirode "Vrelo Bosne" u skladu sa zakonom o proglašenju zaštićenog područja, prostornim planom područja posebnih obilježja, planom upravljanja i drugim propisima.

Dakle, zastupnička pitanja su decidno koncipirana, i ista se odnose na lokalitet Stojčevca. U tom kontekstu, lokalitet Stojčevca se nalazi u Drugoj zoni zaštite Spomenika prirode "Vrelo Bosne", teritorijalno pripada Općini Ilidža, a istim upravlja Javna ustanova, kao upravitelj zaštićenog prirodnog područja. Upravljanje ovim područjem se temelji na politici očuvanja i unaprijeđenja brojnih prirodnih, pejzažnih, hidroloških, kulturno-historijskih, socioloških, edukativnih, naučnih i ekonomskih vrijednosti, te usklađivanju vrijednosti sa zaštitom, korištenjem i razvojem područja.

Područje Stojčevca zajedno sa rezidencijalnim objektima su bili vlasništvo Socijalističke Republike Bosne i Hercegovine.

Iako bi trebalo biti u vlasništvu nadležnih institucija na državnom nivou, zbog nepostojanja zakona o državnoj imovini na nivou Bosne i Hercegovine, pravni status Stojčevca je i dalje nedefinisan. Tadašnji visoki predstavnik je 2005. godine izjavio da je na snazi Zakon o zabrani raspolaganja državnom imovinom, koji će važiti sve do donošenja zakona o državnoj imovini.

Prethodno navedeno implicira da područje Stojčevca nije u vlasništvu ove ustanove, ali upravljanje usmjereno na zaštiti i očuvanju prirodnih i drugih vrijednosti je u svojstvu Ustanove kao upravitelja.

U kontekstu postavljenog zastupničkog pitanja korištenja dijela Stojčevca u smislu naplate parkinga, Općina Ilidža je ovaj prostor ustupila Udruženju ratnih vojnih invalida (RVI) Općine Ilidža, pod uslovom da se predmetni lokalitet redovno održava i da je isti u urednom i čistom stanju. Naglašavamo da naplata parkinga na Stojčevcu nije u ingerenciji ove ustanove.

Ovo udruženje, osim što vrši uslugu naplate parkinga na Stojčevcu, isto ima nadležnost i za naplatu parkinga na Vrelu Bosne i Velikoj aleji. Dakle, naplata parkinga, kao i ostale obaveze u vezi s tim, u nadležnosti su Udruženja ratnih vojnih invalida (RVI) Općine Ilidža i Općine Ilidža.

Unatoč činjenici da se područje Stojčevca ne održava na način kako je prethodno definisano, Ustanova u svom redovnom programu, kao i putem projekta Javnih radova, preko Javne ustanove "Služba za zapošljavanje Kantona Sarajevo", angažuje određeni broj osoba, i na taj način realizuje poslove u oblasti uređenja okoline, izgradnje i sanacije infrastrukture, a temeljem slijedećih aktivnosti:

- Vodni ekosistemi koji su predstavljeni potokom Stojčevac i koji nizvodno u centru formira stajaći ekosistem u vidu jezera, doprinosi ukupnom pejzažnom ugođaju ovog područja. Pa tako, aktivnosti na uređenju i čišćenju vodnih ekosistema obuhvataju čišćenje jezera, prikupljanje raznog otpada unutar istog, uređenje obala i košnju trave uz vodotoke.
- Uređenje livadskih ekosistema košnja travnjaka prilagođena habitatnom tipu, putnih pojasa, pojedinih dionica na postojećim stazama, prikupljanje i uklanjanje organskog i neorganskog otpada, uklanjanje samoniklog grmlja i šiblja, kao i formiranje postojećeg ukrasnog grmlja, redovno održavanje i očuvanje livada i biodiverziteta.
- Uređenje šumskih ekosistema orezivanje i odstranjivanje suhih dijelova stabala, kao i polomljenih grana koje se javljaju u krošnjama stabala, saniranje starih i vrijednih stabala oštećenih elementarnim nepogodama, redovno održavanje i očuvanje šumske vegetacije.
- Uređenje i čišćenje memorijalnog spomen obilježja poginulim borcima Armije Republike Bosne i Hercegovine za period 1992-1995., kao i nekadašnjeg rezidencijalnog kompleksa Stojčevac, Titova vila.

Slijedom zastupničkog pitanja vezanog za kućne ljubimce (pse), a u skladu sa Zakonom o proglašenju Spomenika prirode "Vrelo Bosne", član 10. (Mjere zaštite u prvoj zaštićenoj zoni), tačka (r) zabranjuje se puštanje pasa sa uzice. Dakle, na ovom području je dozvoljena posjeta kućnim ljubimcima (psima), ali isti moraju biti na uzici zbog sigurnosti ostalih posjetilaca.




Ukoliko se radi o opasnim psima, u Pravilniku o držanju opasnih životinja („Službeni glasnik BiH“, broj 27/10), članak 5. (Obveze posjednika), stav (6) Izvođenje opasnog psa na javne površine dopušteno je jedino s brnjicom i na povocu, od strane posjednika i sukladno komunalnim odredbama o uvjetima i načinu držanja pasa. U suprotnom, kućni ljubimci (psi) koji nisu propisno obezbijeđeni, moraju biti uklonjeni sa područja.

Na nivou opština Kantona Sarajevo donesene su, ili su u toku Odluke koje definišu uslove pod kojima je dozvoljeno držanje kućnih ljubimaca, a budući da se zastupničko pitanje odnosi na lokalitet Stojčevca koji pripada Općini Ilidža, ista je u martu mjesecu tekuće godine pokrenula nacrt Odluke o uslovima i načinu držanja kućnih ljubimaca, pasa i domaćih mački, načinu postupanja s napuštenim i izgubljenim životinjama na području Općine Ilidža. Nacrt Odluke je u proceduri.

Po pitanju inspeksijskog nadzora za ovo područje je nadležna Kantonalna uprava za inspeksijske poslove Kantona Sarajevo i Služba za inspeksijski nadzor pri Općini Ilidža.

S poštovanjem,



DIREKTOR

Umr. sci. Osman Delić

Dostaviti:

- Naslovu
- Arhivi Javne ustanove